

P L E D O S

— da Kosonjanto —

*por tu finisa li yare
del komuni ere 2024,
81 yares after Jespersen*

— *Suele* —

Ob lu es ye varmum,
ob ye koldum,
es pro stele

Ob lu es de varmum,
ob de koldum,
es pro nus

— *Lauti* —

Askolta al silentio
ke emerja fro legatum

Sercha li silentio
ke emerja fro oblivetum

Venera sen silentio
ke emerja fro tu pensa

Disperse li silentio
ke emerja fro nul espero

— *Oseane* —

Voka kultur kom toti stranjeres
por tu parta li dishes de onen popule
Aborda li shipe kom toti amikes
Lun movo maladisa nus al sami gradu

— *Nunitem* —

Les segla tra li monde
ma nulitem sur aque

Japonane, ruse, perse e franse
in li sami prekari vastum

Si les vud ha have busoles
lus vud indika
ke nuli les had liva hem

— *Kanvase* —

Persone
e len mente:
du broses

— *Efemeri* —

Vida, qualim les es in li aere
Les drifta tra li siele del homaro
E lesen idees frola flores

— *Matematike* —

Proximeska
ma non taleska
Perfekteso es nondefiniti

— *A tes kel porta li sonjo* —

Esperantiste, idiste,
interlingue-iste e novialiste
marcha en taverne
Les es li same

Li samum eventa
ma inter reali grupe de homes
Li chinani proprietere insista
ke les parla anglim

On non pove prisa
tum kel le non sava
On non pove lerna
tum kel nule promote